

蘇州府志卷第一百十一

流寓一

周

澹臺滅明

范蠡

漢

梅福

高獲

梁鴻

岑暉

桓礪

蔡邕

晉

范汪

戴逵

蘇州府志

卷一百十一

流寓一目錄

南北朝

戴顓

褚伯玉

顧越

王固

唐

殷懌子信

張祐

陸羽

李紳

楊收父遺直兄發假弟嚴發子乘收子鑒

羅隱

宋

蔣堂

蘇舜欽父耆



梅堯臣

李鼐

徐祐

子仲謀

楊備

盧革

滕元發

錢藻

元絳

沈括

沈遘

弟遼

張景脩

子漢之

林旦

賀鑄

米芾

子友仁

李無晦

孫覲

薛子長

王綢

程俱

尹焞

蘇州府志

卷一百十一

流寓一目錄

一

季陵

翟汝文

子耆年

邱礪

子璪璋琛璠

曾恬

子崇

曾懷

徐嘉

李衡

樂備

崔敦詩

趙不沴

父士聞

湯璫

劉過

王仲甫

邢居士

孫谷真

何執中

鄭準

子端姪棟

陳貴誼

魏了翁

高定子

兄稼隸于斯得

敖陶孫

方萬里 子洪

邱岳 祖琚 父松

鄧若水

王萬

印應雷 弟應飛

陳元大

高晞遠

鄭思肖

王維德 子辰 孫本原

元

龔開

龔璠

錢仲鼎

范霖

劉岳

張德元

吳萊

柳貫

蘇州府志 卷一百十一

流寓一目錄 三

柯九思

鄭元祐

鄭東 弟采 子思先

邵光祖

王鑑

陳徵

陳樸 弟桎

于立

朱子昌 子梓瑞

趙孟頫

林寬

李祁

周伯琦

謝應芳

饒介

張介福

楊維禎

錢惟善

馬磨

陸仁

夏迪

湯公雨

邁里古思

倪瓚

董某

王貞

范疇

周仲高

蘇州府志

卷一百十一

流寓一目錄

四

蘇州府志卷第一百十一

流寓一

吳中寓賢莫多於宋范廬二志不分土著流寓分之自姑蘇志始乃姑蘇志以下人物內仍多錯列乾隆志斷以來自先世生長於此者爲土著入人物及身來此者爲流寓道光志因之今仍其舊而以道光後諸寓賢附焉

周

澹臺滅明武城人字子羽事孔子南遊至江從弟子三百人說取予去就名施乎諸侯

史記索隱曰吳國東南有澹臺湖卽其遺蹟

范蠡字少伯事越王句踐滅吳成霸功遂泛舟遊五湖莫知所

蘇州府志

卷一百十一

流寓一

終今吳之蠡口越來溪等處皆其遺迹

漢

梅福字子貞九江壽春人也補南昌尉後去官歸壽春數因縣道上言變事是時成帝委任大將軍王鳳王氏浸盛福上書譏切王氏不見納居家常以讀書養性爲事至元始中王莽顯政福一朝棄妻子去九江至今傳以爲仙其後人有見福於會稽者變名姓爲吳市門卒云

漢書

高獲字敬公汝南新息人少遊學京師與光武有舊師事司徒歐陽歙歙下獄當斷獲冠鐵冠帶鈇鑕詣闕請歙帝雖不赦而引見之謂曰敬公朕欲用子爲吏宜改常性獲對曰臣受

宣化門外有石城里疑
卽其地則益無據矣

性於父母不可改之於陛下出便辭去三公爭辟不應後太
守鮑昱請獲旣至門令主簿就迎主簿曰但使騎吏迎之獲
聞之卽去昱遣追請獲獲顧曰府君但爲主簿所欺不足與
談遂不留時郡境大旱獲素善天文曉遁甲能役使鬼神昱
自往問何以致雨獲曰急罷三部督郵明府當自北出到三
十里亭雨可致也昱從之果得大雨每行縣輒軾其間獲遂
遠遁江南卒於石城

章懷太子注石城
在今蘇州西南

石城人思之共爲立

祠

後漢書 乾隆志曰高獲事遍考吳地記以下諸書無言
及者然章懷注後漢書謂在蘇州西南當時必有所據今

郡西南有靈巖山一名硯石山吳越春秋云硯石山又名石
城山越絕書云硯石山有石城今山下地名嶮村出硯材疑
嶮村本作獲村因獲居此得名後訛爲嶮耳然無他證未敢
遽定以章懷之注特存之若常熟舊志亦載獲入流寓謂縣

梁鴻字伯鸞扶風平陵人受業太學家貧尚節介慕前世高士

爲四皓以來二十四人作頌出關過京師作五噫歌肅宗聞
而非之求鴻不得易姓運期名耀字侯光與妻子適吳依大
家皋伯通居廡下爲人賃舂每歸妻爲具食不敢仰視舉案
齊眉伯通察而異之曰彼傭能使其妻敬之如此非凡人也
乃舍之於家鴻潛閉著書十餘篇疾且困告主人曰昔延陵
季子葬子於贏博之間不歸鄉里慎勿令我子持喪歸去及
卒伯通等爲求葬地於要離冢傍咸曰要離烈士伯鸞清高
可令相近葬畢妻子歸扶風

後漢書

岑暉字公孝南陽棘陽人年少未知名往候同郡宗慈慈與語大奇之遂俱至洛陽因詣太學受業暉有高才郭林宗朱公叔等皆爲友李膺王暢稱其有幹國器雖在閭里慨然有董正天下之志太守成瑨下車欲振威嚴聞暉名請爲功曹暉褻善糾違肅清朝府宛有富賈張汎者桓帝美人之外親恃其伎巧用執縱橫暉勸瑨收捕汎等旣而遇赦暉竟誅之并收其宗族賓客殺二百餘人後乃奏聞於是中常侍侯覽使汎妻上書訟其寃帝大震怒徵瑨下獄死暉逃匿齊魯之間會赦出後交辟不就及李杜之誅因復逃竄江夏山中徙居吳郡子孫遂爲吳人

後漢書參唐書宰相表

蘇州府志

卷一百十一

流寓一

三

桓礪沛郡龍亢人尤修志介三公並辟皆不應初平中天下亂避地吳郡揚州劉繇振給穀食衣服所乏者皆不受

後漢書參東觀

漢記

蔡邕字伯喈陳留圉人靈帝時爲議郎以直言徙朔方赦還內寵惡之乃亡命江海遠迹吳會吳人有燒桐以爨者邕聞火烈聲知其良木因請裁爲琴果有美音而其尾猶焦時名焦尾琴

後漢書

晉

范汪字元平仕晉爲安西長史桓溫頻請爲長史江州刺史皆不就自請還京求爲東陽太守溫甚恨焉簡文帝作相除安

北將軍徐兗二州刺史旣而桓溫北伐令汪率文武出梁國以失期免爲庶人朝廷憚溫不敢執汪屏居吳郡從容講肄不言枉直

晉書

戴逵字安道譙國人善屬文能鼓琴工書畫徙居會稽之剡縣孝武帝時以散騎常侍國子博士累徵辭父疾不就郡縣敦逼不已乃逃於吳吳國內史王珣有別館在武邱山逵潛詣之與珣遊處積旬會稽內史謝元慮逵遠遯不返請絕召命逵復還剡

時會稽謝敷字慶緒澄靖寡欲入太平山十餘年召皆不就初月犯少微少微一名處土星占者以隱士當之逵有美才人或憂之俄而敷死故會稽人

士以嘲吳人云吳中高士便是求死不得死

晉書

南北朝

蘇州府志

卷一百十一

流寓一

四

戴顒字仲若譙郡銍人也父逵兄勃並隱遯有高名顒年十六遭父憂幾於毀滅父善琴書顒並傳之會稽剡縣多名山故世居剡下勃疾患醫藥不給乃出居吳下吳下士人其爲築室聚石引水植林開澗乃述莊周大旨著逍遙論注禮記中庸篇三吳將守及郡內衣冠要其同游野澤堪行便往不爲矯介衆論以此多之宋國初建元嘉中徵並不就

此句參衡用南史

陽王義季鎮京口長史張邵與顒姻通迎來止黃鵠山十八

年卒

宋書

褚伯玉字元璩錢塘人也少有隱操居瀑布山在山三十餘年隔絕人物王僧達爲吳郡苦禮致之伯玉不得已停郡信宿

纔交數言而退宣朔將軍邱珍孫與僧達書曰聞褚先生出居貴館此子滅景雲棲不事王侯有年載矣自非折節好賢何以致之僧達答曰褚先生從白雲遊舊矣近故要其來此冀慰日夜比談討芝桂借訪荔蘿若已窺煙液臨滄洲矣南齊書

顧越字允南

陳書作思南

吳郡鹽官人也所居新坂黃岡世有鄉校

由是顧氏多儒學焉越徧該經藝深明毛詩特善莊老尤長論難兼工綴文承聖二年詔授宣惠晉安王府諮議參軍領國子博士越以世路未平無心仕進因歸鄉栖隱於武邱山與吳興沈炯同郡張種會稽孔奐等每爲文會陳天嘉中詔

蘇州府志

卷一百十一

流寓一

五

侍東宮讀遷給事中黃門侍郎及廢帝卽位拜散騎常侍卒

於家

南史

王固字子堅少清正頗涉文史陳永定中移居吳郡文帝以固清靜且欲申以昏姻天嘉中拜國子祭酒以其女爲皇太子妃禮遇甚重太建中卒於太常卿諡恭子南史

唐

殷懌字易從曲阿人少負志氣博學善屬文弱冠遊太學籍甚公卿聞天寶末知天下將亂乃趣裝東歸侍母居吳郡吳中士大夫得從之遊者鄉黨以爲榮採訪使李希言辟爲從事授試崑山尉不就子侑遂顯宦

吳郡志

張祐字承吉南陽人來寓蘇州有詩名白居易刺杭時江東進士多奔杭取解屬時以素望取士祐自意必首薦既而徐凝冠多士祐偃蹇不隨鄉試令狐楚鎮天平表祐新舊格詩三百篇以獻祐至京師爲元稹所抑寂寥而歸嘗自號釣鰲客會昌初李紳節度淮南壯其爲人厚加禮致祐長於宮詞掖庭多吟諷之杜牧守池與祐爲詩酒友寄詩云誰人得似張公子千首詩輕萬戶侯大中閒卒於丹陽

盧志

陸羽字鴻漸一名疾字季疵竟陵人隱苕溪自稱桑苎翁閉門著書詔拜太祝不就貞元中寓虎邱嗜茶著經三篇嘗品泉

鑿井於虎邱劍池西南品爲天下第三泉

文肇社虎邱志

蘇州府志

卷一百十一

流寓一

六

李紳字公垂少孤母盧躬授之學爲人短小精悍於詩最有名時號短李蘇州刺史韋夏卿數稱之位至尙書左僕射門下

侍郎

唐書本傳

紳本趙人徙家於吳嘗寓虎邱讀書山中

文肇社虎邱志

沈亞之傳

楊收字藏之馮翊人自言隋越國公素之後父遺直位終濠州錄事參軍客於蘇州講學爲事因家於吳生四子發假收嚴發字至之太和四年登進士第又以書判拔萃累遷左司郎中宣宗追尊順宗憲宗尊號禮院奏廟中神主已題舊號請改造及重題詔禮官議發議禮無改造之文亦無重加尊諡改題之例宜但告新諡於廟改造重題恐乖禮意時宰相覆

奏就神主改題知禮者以發議爲是改太常少卿出爲蘇州刺史蘇發之鄉里也恭長慈幼人士稱之還改福建觀察使以善績聞移授嶺南節度使貶婺州刺史卒子乘亦登進士第有俊才尤能爲詩歌歷顯職假字仁之進士擢第鄭覃刺華州署爲從事從覃鎮京口得大理評事入爲監察轉侍御史由司封郎中轉太常少卿出爲常州刺史卒官初遺直娶元氏生發假繼室長孫氏生收嚴收長六尺二寸廣額深頤疏眉秀目寡言笑博聞強記初家寄潯陽甚貧收七歲喪父居喪如成人長孫夫人知書親自教授十三畧通諸經義善於文詠吳人呼爲神童收以仲兄假未登第久之不從鄉賦

開成末假擢第是冬收之長安明年一舉登第杜悰鎮揚州延收署節度推官悰領度支以收爲巡官悰鎮東蜀奏授掌書記移鎮西川復管記室宰相馬植奏授渭南尉充集賢校理改監察御史收辭以仲兄假從事侯府不忍先爲御史復爲悰節度判官植乃以收弟嚴爲渭南尉代收之任周墀鎮東蜀表嚴爲掌書記墀至鎮而悰卒乃辟嚴爲判官兄弟同幕爲兩使判官時人榮之俄而假自浙西觀察判官入爲監察御史收亦自西川入爲監察兄弟並居憲府裴休作相以收深於禮學用爲太常博士時收弟嚴亦自揚州從事入爲監察尋丁母憂歸蘇州旣除崔珙鎮淮南以收爲觀察支使

入爲侍御史歷吏部員外郎上言先人未葬旅殯毘陵擬遷
卜於河南偃師請兄弟自往從之及葬東周會葬者千人宰
相令狐綯用收爲翰林學士知制誥拜中書舍人轉兵部侍
郎學士承旨左軍中尉楊元价以收宗姓深左右之乃加銀
青光祿大夫中書侍郎同平章事累遷門下侍郎兵部尚書
收以南蠻擾亂請於洪州置鎮南軍屯兵積粟以餉南海天
子嘉之進位尚書僕射太清太微宮使宏文館大學士晉陽
縣男收居位稍務華靡門吏僮奴倚爲奸利時楊元价弟兄
掌機務招來方鎮之賂屢有請託收不能盡從元价以爲背
已由是傾之八年十月罷爲宜歙觀察使韋保衡作相又發

收陰事明年八月貶端州司馬尋長流驩州又詔賜死子鑒
鉅鑄皆登進士第鉅乾寧初以尚書郎知制誥充翰林學士
拜中書舍人戶部侍郎封晉陽縣男從昭宗東遷爲左散騎
常侍卒鑄乾寧中累遷尚書郎嚴字稟之會昌四年進士擢
第累遷給事中工部侍郎翰林學士兄收作相請外職拜浙
東觀察使收罷貶官嚴坐貶邵州刺史收得雪嚴量移吉王
傅累遷兵部侍郎判度支病卒二子涉注涉乾符二年登進
士第昭宗朝累遷吏部尚書輝王卽位本官平章事加中書
侍郎謙退善處竟以令終注中和二年進士第昭宗朝累遷
戶部侍郎

舊唐書

乾隆志

曰楊氏自收兄弟家蘇州至涉之子疑式又爲洛陽人矣舊皆入人物今從通志

入流寓以舊唐書源
委尤晰故詳錄焉

羅隱字昭諫餘杭人本名橫十上不中第遂更名從事湖南淮
潤無所合久之歸投錢鏐累官司勳郎朱全忠以諫議大夫
召不行嘗勸鏐討全忠大義憤激鏐不能用年七十七卒隱
中歲入吳與陸龜蒙遊結庵於甫里北隅今遺址尙存

元和志

宋

蔣堂字希魯本宜興人徙於蘇祥符五年進士任侍御史論禁
中火宜責躬修德不必歸咎宮人郭皇后廢極論不可出爲
淮南發運使薦部吏二百員累遷樞密直學士歷知應天河
中府洪杭益蘇州後十二年再守蘇遂謝仕以禮部侍郎致

蘇州府志

卷一百十一

流寓一

九

仕家於靈芝坊堂爲人修潔遇事不少屈好學工文詞延譽

晚進至老不倦卒年七十五

吳郡志 乾隆志曰盧熊志云

館將歸休焉旣而告老賦隱園詩自號遂翁所居嘗有芝
草知州李仲偃名其地曰靈芝坊舊列人物今入流寓

蘇舜欽字子美參知政事易簡孫父耆有才名嘗爲工部郎中

直集賢院舜欽少有大志貌奇偉當天聖中學者爲文多病

對偶獨舜欽與穆修好爲古文歌詩一時豪傑多從之游初

以父任補太廟齋郎調滎陽尉尋舉進士改光祿寺主簿知

長垣縣遷大理評事范仲淹薦爲集賢校理監進奏院舜欽

娶宰相杜衍女衍時與范仲淹富弼在政府多引用一時聞

人欲更張庶事御史王拱辰等不便其所爲會進奏院祀神

舜欽與右班殿直劉巽輒用鬻故紙公錢召妓樂間多會賓客拱辰諷其屬魚周詢劾奏因欲搖動衍事下開封府劾治於是舜欽巽坐除名同時會者皆知名士因緣得罪逐出四方者十餘人拱辰等喜曰吾一舉網盡矣舜欽既放廢寓於吳中後二年得湖州長史卒舜欽數上書論朝廷事在蘇州買水石作滄浪亭益讀書發憤適於歌詩其體豪放往往驚人善草書每酒酣落筆爭爲人所傳及謫死世尤惜之

宋史

梅堯臣字聖俞宣城人也世以詩名堯臣遂以詩聞天下始以蔭補齋郎王晦叔見其文歎曰二百年無此作矣嘉祐元年翰林學士趙槩等言於朝曰梅堯臣經行修明願得留與國

蘇州府志

卷一百十一

流寓一

十

子諸生講論道德作爲雅頌以歌詠聖化乃得國子監直講官至都官員外郎嘗奏其所撰唐載二十六卷多補正舊史闕謬乃命編修唐書書成未奏而卒年五十九

東都事畧

聖俞晚年嘗卜築滄浪亭之旁與子美相鄰日夕往還酌酒賦詩相

得其歡至今稱其地爲梅家園

廬志

李鼐壽昌令璲之子璲濮州人咸平中自睦州罷官北歸舟過吳江卒卽葬於天平山鼐時尙幼奉母鄭家於蘇天聖中鄭卒與璲合葬鼐倚杖寢苦廬於墓側蚤夜悲慟甘露再降於松柏朝野名士皆爲賦詩鼐又以母嘗誦金剛經刺血爲書刻於墓下楊備表之

廬志

徐祐字受天擢進士第居官以清白稱官至左司員外郎以都
官郎中致仕慶曆中屏居蘇州作山亭胥門外爲登臨之地
與少卿葉參爲九老會卒年七十五子仲謀典郡持節以職
方郎中致仕祐通州靜海人也盧志

楊備天聖中爲長溪令夢中忽作詩日月俸錢數甚微不知
從宦幾時歸東吳一片煙波在欲問何人買釣磯及寤心潛
異之明道初宰華亭俄丁內艱遂家於吳樂其風俗之美安
而弗遷因悟夢中所作幾於前定嘗效白體作我愛姑蘇好
十章又作姑蘇百題詩行世中吳紀聞 宋詩紀事備字修
書虞部員外郎分司
南京上輕車都尉

蘇州府志

卷一百十一

流寓一

十一

盧革字仲辛德清人少舉童子至登第年才十六慶曆中知龔
州蠻入寇桂管騷動革經畫軍需先事而集厯知婺泉二州
提點廣東刑獄福建湖南轉運使復請外神宗謂宰相曰革
廉退如是宜與嘉郡遂爲宣州以光祿卿致仕用子秉恩轉
通議大夫退居於吳十五年吳郡志今盧提刑
橋因其宅以名秉爲發運使
得請歲一歸覲後帥涓乞解官終養帝數賜慰勉時以爲榮
卒年八十二宋史子秉別有傳

滕元發初名甫避高魯王諱以字爲名更字達道本東陽人九
歲能賦詩敏捷過人范文正之父爲諸舅見而奇之教以爲
文文正爲鄉郡安定胡先生居於郡學元發來從學門人以

千數第其文常爲首舉進士試於廷擢第三以聲韻不中程黜之後八年復中第三通判湖州孫沔守錢塘一見曰後當爲賢將授以治劇守邊之要召試學士院判吏部南曹同修起居注知制誥知諫院王陶論宰相不押班爲跋扈上以問元發元發曰宰相固有罪然以爲跋扈則臣以爲欺天陷人矣知開封府遷御史中丞抗論得失爲多河朔地震壞城廬命爲安撫使還復知開封府除翰林學士出知鄆州移定州入覲力言新法之害徙青州留守南都知齊鄧二州坐累知安州以言者復貶筠州已而知湖州哲宗卽位徙蘇揚二州除龍圖閣直學士復知鄆州歲方饑乞淮南米二十萬石爲

備全活五萬人徙真定河東除龍圖閣學士復知揚州未至而卒年七十一贈左銀青光祿大夫謚章敏元發慷慨豪邁不拘小節近世名將無及者葬陽山子孫遂爲吳人

乾隆志

志曰東都事畧宋史但言東陽人盧志謂元發父早卒葬吳縣子孫遂爲蘇人今從中吳紀聞吳郡志入流寓

錢藻字醇老吳越王鏐五世孫舉進士又中制科爲人清謹寡過拘守繩墨爲治簡靜立朝無矯亢之節亦不爲雷同處勢利淡如也人稱其長者英宗時爲秘書校理上書請太后還政通判秀州神宗時稍遷直舍人院同修起居注擢知制誥直學士院除樞密直學士知開封府遷翰林侍讀學士卒年六十一

以上東都事畧

初藻與滕元發俱受學於安定胡先生藻用

和州貫登第母丁氏葬天平山遂爲蘇人

盧志

元絳字厚之其先臨川危氏徙杭州易姓曰元絳五歲能詩長登第調江寧推官知永清海門二縣擢江西轉運判官知台州入爲度支判官歷廣東兩浙河北轉運使鹽鐵副使知福州召爲翰林學士知開封府拜參知政事以太子少保致仕絳所至有威名而無特操在翰林諂事王安石及其子弟時論鄙之然工於文辭爲流輩推許旣得謝帝眷之曰卿可營居京師朕當資金幣絳曰臣有田廬在吳乞歸鬻之卽築室都城旣行追賚白金千兩敕早還絳至吳踰歲以老病奏恐不能奉詔三年而卒年七十六贈太子少師謚章簡

宋史
乾隆志

蘇州府志

卷一百十一

流寓一

三

曰吳郡志絳居帶城橋致仕還吳中與程公闢諸公爲九老會鄉人號其居曰袞繡坊有玉堂集三十卷按東都事畧作錢塘人蓋絳生長杭州晚居吳中諸志載入人物非是今改入流寓

沈括字存中錢塘人父周娶吳縣許仲榮女括入籍於吳舉嘉祐八年進士爲揚州司理參軍熙寧間除太子中允遷集賢校理察訪兩浙農田水利遷太常丞同修起居注邊吏報北虜將入寇亟遣中貴人取兩河民車以爲戰備民大驚擾括言於神宗曰車戰之利見於歷世巫臣教吳子以車戰遂伯中國李靖用偏箱鹿角車以擒頡利臣但未知一事古人所謂輕車者兵車也五御折旋利於輕速今之民間輜車重大椎樸以牛挽之日不能行三十里少蒙雨雪則跬步不進故